

名

馬

記

名馬記序

韓退之曰千里馬常有伯樂不常有
予不謂然馬之千里人之聖也攬之
靜者凌雲光耀歷絕道都瞬息八
極者千里馬也智於龍二儀才擅象物
是者知未報賄賂者聖人之也如千
里馬常有伯樂不常有是云聖人常有

言後聖人者不為者也千里一士百世
一聖之人果常有乎知聖人則知馬

矣周穆王時天子至車則造父為御
冬西為右柏天至車則參伯為御奔
戎為右重得八駿東漢之末善相馬

者有西河子與之傳西河儀長孺

之之傳葦陽之君都之之傳成紀楊

子河以傳馬伏波文淵結縉披銅鑄
馬未親實驥由是言之伯樂千里馬
孰為常只子曰不患人之不己知患
其不能去馬何患伯樂之不知也患
不千里耳於是架古今名馬為記之表
上表自伏羲至宋皆帝王公侯將帥
者得八十八條二表據傳記新舊者

得十者七條、秦抄、鄧子、家記。

續衣生小記

名馬記上

龍馬○澤馬○吉良○朱髦

伏羲時龍馬負圖出河遂則其文以畫八卦○瑞應圖
曰龍馬仁馬河水之精也高八尺五寸長頸鬣上有翼
旁垂毛鳴聲九音有明王則見一本曰王者不誅馬則
龍馬乘黃澤馬朱髦並集○澤馬一曰吉良山海經曰
大封國有文馬縞身朱鬣名曰吉良乘之壽千歲

飛黃○乘黃

淮南子曰黃帝治天下飛黃服皂高誘曰飛黃如狐黃

有角日行萬里乘之壽三千歲韓愈曰飛黃騰踏去不能顧蟾蜍○應劭曰乘黃龍翼馬身黃帝乘而仙○瑞應圖曰乘黃者王者輿服有度則出○列仙傳曰馬師皇者黃帝馬師也○呂氏春秋曰乘雅作駕寒衣作御唐龍馬

尚書中候曰堯時龍馬銜甲赤文綠色臨壇上甲似龜廣袤九尺圓理平上五色文有列星之分斗政之度帝王興亡之數

神馬○騰黃○吉光○騏褭○飛兔○馱蹄

騏音其
馱音徒

孝經援神契曰德至山陵則澤出神馬○瑞應圖曰騰

黃者神馬也。其色黃。王者德御四方則至。一名吉光。乘之壽三千歲。此馬無死時。○騷裏與騷兔同。以明君有德則至。飛兔日行三萬里。禹治水土勤勞。天應其德。至馱蹄者。后土之獸也。自能言語。王者仁孝於民。則出禹治水有功至。○漢書音議曰。騷裏神馬也。赤喙黑身。○宋志曰。漢元和中。騰黃見郡國。

方澤馬

隨巢子云。夏后氏興方澤出馬。

九代馬○兩龍

山海經曰。大樂之野。夏后啓於此舞九代馬。乘兩龍。○

文選王元長序夏后兩龍載驅璿臺之上注曰夏后啓有馬號爲兩龍乘游璿臺以響諸侯

驪○翰○駮○駱馬○蕃鬣

驪音犁駮音元駱音洽

記曰夏戎事乘驪殷乘翰周乘駮夏駱馬黑鬣殷白馬黑首周黃馬蕃鬣疏曰曾有三代之馬○駮駮馬而白腹者也武王伐紂用之詩曰牧野洋洋檀車煌煌駮駮彭彭蓋武王常以是勝紂○赤色黑鬣駮駮馬白腹駮青龍○遺風

伊尹說湯曰青龍之匹遺風之乘

野馬○駒駮○駮駮

駒音陶駮音茶

汲冢書曰伊尹爲四方令正北請令忽野馬駒駮駮駮爲獻○爾雅曰野馬如馬而小出塞外山海經云北海內有獸狀如馬名駒駮色青故馬之良者取駮爲名說文曰駮駮馬父驢母也故傳稱駮駮生三日而起其母桑御史言武帝平百越以爲囿圃駒駮駮駮實於外廐

雞目

尚書大傳曰散宜生之犬戎氏取美馬驄身朱髦雞目者取九六馬陳於紂之庭紂出見之還而觀之曰此何人也散宜生遂趨而進曰吾蕃之臣昌之使者

騶虞○雞斯

淮南子散宜生得騶虞雞斯之乘。○騶虞馬之似騶虞者。

吉黃

一名舌黃

周書曰犬戎之馬赤鬣白身目若黃金名曰馮吉黃之乘成王時來獻或曰文王時獻之。○馮一作馭。馮音民馭音冬

八駿

拾遺記曰周穆王馭八龍之駿一名絕地足不踐土二名翻羽行越飛禽三名奔霄夜行萬里四名躡影逐日而行五名踰輝毛色炳輝六名超光一形十影七名騰霧乘雲而奔八名挾翼身有肉翅速而駕焉按轡徐行

以市天地之域。○穆天子得天子命，駕八駿之乘，右服
黼騶而左騶，駟右騶赤龍，左白龍。天子主車，造父爲
御，商爲右，次車之乘，右服渠黃而左踰輪，駟騶逐騶
而左。山子柏天主車，參伯爲御，奔戎爲右。至于黃澤，官
樂謠曰：黃之池，其馬歆沙。皇人威儀，黃之澤，其馬歆玉。

皇人壽穀

黼音黼 龍音龍
駟音駟 商音商

翠龍

揚雄河東賦注師古曰：翠龍，穆天子所乘馬也。

駟馬

駟音駟
駟音駟

曾頌駟篇頌僖公也。駟，駟牡馬在坳之野。薄言駟者有

駟有皇有驪有黃有騅有駟有騂有騃有騃有驪有驪有騏
有騏有駟有駟有駟有駟有駟有駟有駟有駟有駟有駟有駟
騏音壇 駟音環

玉馬○玉澤馬

瑞應圖曰玉馬者王者清明尊賢則至一本曰玉澤馬
者師曠時來

屈乘

左傳晉獻將伐虢荀息請以屈產之乘垂棘之璧假道
於虞公曰此晉寶也荀息曰是取中府藏外府取中府
藏外府也晉與虞荀息牽馬撻璧而曰璧則猶是而馬
齒加長矣

駁音
馮按

爾雅曰駮白駮徐鉉曰疑象駮文晉侯乘駮乳虎見之
而服則象駮之文理或然也駮亦馬之上名駮古者國
君乘之詩所謂隰有六駮者字从交作字說曰駮類馬
食虎而虎食馬凡類已也而能除害已者在所交也則
駮非此駮也

小駮

晉惠公乘小駮慶鄭曰今乘異產以從戎事及懼而變
將與人易亂外強中乾進退不可周旋不能

驕音
驕音
驕音

左傳唐成公有兩驕驕馬

文馬

左傳宋人以文馬百駟贖華元于鄭

朱鬣

左傳宋公子地有白馬四公嬖向魍魎欲之公朱其尾鬣以與之

啟服

左傳衛侯來獻其乘馬曰啟服

駮○龍○玄駒○駮音來駮

說文曰馬一歲曰騊二歲曰駒三歲曰駮四歲曰駮高

六尺曰驕七尺曰駮八尺曰龍爾雅翼曰駮宜於牝故
釋獸稱駮牝驪牡玄駒褭驂蓋言以驪爲牝以驪爲牡
而生玄駒則謂褭驂也腰褭良馬名褭驂取譬於此○
詩稱衛文公秉心塞淵駮牝三千

騏驎○騏音其驎音
留騏音瓜

秦風小戎文茵暢轂駕我騏驎四牡孔阜六轡在手騏
驎是中騏驎是驂倭駟孔羣公矛蓋鏞○黃馬黑喙曰
騏今之淺黃色馬也宋明帝以騏字旁似禍改作馱○
史稱文帝騏馬脊有肉鞍行則先作弄四足

代馬

史記蘇秦傳燕車六百乘騎六千匹趙車千乘騎萬匹魏車六百乘騎五千匹楚車千乘騎萬匹秦北有代馬○戰國策蘇厲說趙曰代馬胡駒

疇騎

韓非子曰秦穆公起卒革車五百乘疇騎二千步卒五百萬輔重耳入于晉○疇等也言馬齊等

沙丘馬

伯樂對秦穆公曰臣有所與九方臯其於馬非臣之比也穆公見之使行求馬三月而反報曰已得之矣在沙丘牝而黃公使人往取之牝而驪公召伯樂曰子之所

使求馬者色物牝牡尚弗能知又何馬之能知也伯樂曰若臯之所觀天機也得其精忘其粗在其內而忘其外馬至果天下之馬也

秦七馬

古今注曰秦始皇有七名馬一曰追風二曰白兔三曰躡影四曰追電五曰飛翾六曰銅雀七曰晨鳧

楚騅

史記項王駿馬名騅常騎及敗至烏江謂亭長曰吾騎此馬五歲所當無敵不忍殺以賜公

九逸

西京雜記漢文帝自代還，有良馬九匹，皆天下駿足也。名曰浮雲、赤電、絕羣、逸驃、紫燕、綠螭、驄龍、子驎、駒、絕塵。號九逸。

漢千里馬

賈捐之傳：孝文時有獻千里馬者，詔曰：朕乘馬獨先安之，還馬與道里費。詔曰：朕不受獻也。令四方毋獻。

黃門四駿

西域贊蒲梢、龍文、魚目、汗血之馬，充於黃門。注孟康曰：四駿馬名。

烏孫天馬 ○西極馬 ○汗血馬

張騫傳元狩中得烏孫馬好名曰天馬及得宛汗血馬益壯更名烏孫馬曰西極馬宛馬曰天馬○應劭曰大宛舊有天馬蹋石汗從馬前肩膊出如血一晷千里
宛天馬

宛王驪封與漢約歲獻天馬二匹○孟康曰言大宛國有高山其上有馬不可得因取五色母馬置其下與集生駒皆汗血因號天馬云

漢余吾水馬○渥洼水天馬

武紀元狩二年夏馬生余吾水中在朔方北元鼎四年秋馬生渥洼水中注南陽新野有暴利長當武帝時遭

刑屯田敦煌鳳數於此水旁見羣野馬中有奇者與凡馬異來飲此水利長先作土人持勒絆於水旁後馬既玩習之遂持勒絆收得其馬獻之欲神異此馬云從水中出

駢駒

駢音

郊祀志往用駢駒師古曰駢赤馬黑鬣尾也

龍友○龍媒○龍秋○籥雲

漢書禮樂志龍爲友師古曰唯龍可爲之友又曰天馬徠龍之媒應劭曰言天馬者乃神龍之類今天馬已來此龍必至之効也又曰飛龍秋蘇林曰秋飛貌也師

古曰莊子有秋駕之法者亦言駕馬騰騾秋然也又曰籥浮雲蘇林曰籥音躡言天馬上躡浮雲也

昆駝

漢百官表昆駝令丞應劭曰昆駝好馬名也○爾雅曰駝蹄趺善陞戲注戲山形似甌上大下小駝蹄蹄如趺而健上山秦時有駝蹄苑

游騏

子虛賦射游騏張揖曰騏如馬一角不角者曰騏○毛詩傳曰青黑曰騏騏蒼艾色一曰馬青騏文如博碁也象龍

馮奉世傳宣帝時至大宛得名馬象龍而還師古曰言馬形似龍者

中盧馬

後郡國志南郡中盧良馬注襄陽耆舊傳曰縣西山中有一道漢時常有數百匹馬出其中馬形皆小似巴滇馬

桓驄

後漢桓典爲御史是時宦者執政典無所迴避常乘驄馬京師畏憚爲之詩曰行行且止避驄馬御史

穢國果下馬

魏志曰穢國出果下馬漢時獻之高三尺

赤兔

曹操傳呂布有駿馬名赤兔常騎乘之時人罵之語曰
人中有呂布馬中有赤兔

月題○的顛○白顛○的盧○白駒

皆白顛馬也莊子曰齊之以月題易曰其於馬也爲的
顛詩曰有車鄰鄰有馬白顛一也俗曰戴星馬也○馬
政論曰顛有白毛謂之的盧又曰準上有旋毛及白毛
者謂之的吻凶俗云的盧非也劉備避樊城之難過檀
溪謂所乘馬的盧曰今日急不可不努力馬達備意一

躍三丈又庾亮所乘馬名的盧殷浩以爲不利王勸市之亮曰豈有已之不利移之人者○詩曰皎皎白駒在彼空谷

絕影

後漢書曹公所乘馬名絕影

白鶴

拾遺記曹洪與魏武所乘之馬名曰白鶴時人諺曰憑空虛躍曹家白鶴

上黨澤馬

宋志魏黃初中上黨得澤馬

紫駢音駢

魏志陳思王表文帝曰臣於武皇帝世得大宛紫駢馬
一匹教令習拜

驚帆

古今注曰曹真有馱馬名驚帆言其馳驟烈風舉帆之疾也

大宛馬

晉武帝泰始六年九月大宛獻汗血馬

晉太元神馬

晉武帝太元十四年寧州刺史費統言晉寧郡滇池縣

兩神馬一黑一白盤戲河水之上。

元馬

華陽國志會無縣有元馬河元馬日行千里死於蜀今元馬冢是也縣有元馬祠家人牧山下或產駿駒元馬子也

滇池神馬

華陽國志曰神馬四匹出滇池河中。

支遁神駿

世說曰支遁字道林常養馬人有譏之答曰愛其神駿聊復畜爾故唐人詩曰樞嘶支遁馬池養右軍鷲。

大宛千里駒

晉載記符堅遣使西域。於是大宛獻千里駒。皆汗血朱鬣。五色鳳膺麟身。堅命羣臣作止馬詩而遣之。

赭白

載記慕容廆有駿馬曰赭白。有奇相逸力。雋比之於鮑氏。驄命鑄銅以圖其象。親爲銘贊。鐫勒其旁。置之薊城東掖門。

大明舞馬

宋書曰。宋大明五年。吐谷渾拾寅遣使獻舞馬。

牛駿

南宋書曰何偃乘在前劉瑀居後瑀謂偃曰君轡何疾
曰牛駿馭精故疾

梁寶馬

文苑英華梁簡文寶馬頌詔示羣臣其文曰鸞鳴
龍儀美稱

龍驤

齊書齊太祖乘常所騎赤馬入殿及踐祚號此馬龍驤
將軍

青海驄

隋書吐谷渾有青海中有小山其俗至冬輒放牝馬於

其上言得龍種嘗得波斯草馬放入海因生驄駒日行千里故世稱青海驄

武德驂耳○康國馬

武德元年十二月乙亥豐州總管張長孫獻驂耳馬二匹○武德七年康國獻名馬

十驄

唐書骨利幹遣使獻良馬十匹唐太宗爲之制名號爲十驄一曰騰霜白二曰皎雪驄三曰凝露驄四曰懸光驄五曰決波驄六曰飛霞驄七曰發電赤八曰流金駒九曰翔麟紫十曰奔虹赤乃序其事曰噴沫則千里飛

紅流汗則三條振血塵不及起影不暇生

飛騎

姜行本傳唐太宗選趨才乘六閑馬號飛騎

昭陵六馬

金石錄有唐昭陵六馬贊歐陽詢書殷仲容書降王名
太宗琢石象平生所乘征伐六馬爲贊刻昭陵

決波駒

音俞

酉陽雜俎曰決波駒走歷門三限不躓太宗尤惜之隋
內庫有交臂玉猿二臂相貫如連環特表其巒

拳毛騮○師子花

唐太宗有拳毛騮杜南觀曹將軍畫馬圖曰昔日太宗拳毛騮近時郭家師子花今之新圖有二馬復令識者久嘆嗟

黃驄驃

樂志唐太宗破竇建德乘馬名黃驄驃命樂工製黃驄疊曲宮調也

波斯馬

吐谷渾傳得波斯馬牧于海生驄駒日步千里

九馬○毛龍

蘇子瞻曰薛紹彭家九馬圖曹將軍霸所繪杜南作詩

拳毛師子二駿在馬贊曰姚宋廟堂李郭治兵帝下毛龍以馭羣英

蹀馬

通典唐翔麟鳳苑廐蹀馬俯仰騰躍皆合節朝會用樂則兼奏之

吐谷渾駿

永徽二年閏八月吐谷渾獻駿馬命還之

河龍○天駟

唐史開元皇帝既登大寶水瑞感而河龍出星精應而天駟下

開元果下

開元十二年新羅獻果下馬二

紅玉○紫玉○平山○凌雲○飛香○百花輦

天寶中大宛進汗血馬六匹紅紫青黃丁香桃花叱撥
上乃改名紅玉紫玉平山凌雲飛香百花輦命圖於瑤

光殿

龍支馬

天寶中皇甫惟明奏龍支縣人庫狄孝義有馬生龍駒
身有鱗而不生毛時有慶雲五色覆馬上久而不散

唐舞馬

明皇雜錄曰玄宗教舞馬四百蹄分爲左右部有名稱曰某家驕其曲曰傾杯樂數十馬皆衣以錦綉絡以金鐸每樂作奮首鼓尾縱橫應節

赤驃

岑參赤驃馬歌曰君家赤驃畫不得一團族風桃花色紅纓紫鞍珊瑚鞭玉鞍錦籠黃金勒

龍文○闌筋

杜甫畫馬贊云韓幹畫馬毫端有神驊驕老文腰裏清新魚目瘦腦龍文長身雪垂白肉風蹙闌筋

太原異馬○渭州馬

唐開元十二年太原獻異馬駒其耳如筒左右各十六
肋肉尾無毛二十九年渭州刺史李邕獻馬一匹肉髮
麟腮嘶不類馬聲日行三百里

靈昌異馬

明皇時靈昌郡得異馬於河帝西幸入渭水化為龍泳
去

叱撥○綠鬃驪

宋志凡馬羣號十七左右字至退字毛物九十一種叱
撥青白紫純色及綠鬃驪爲上

龍駒音拘

祥符九年大名監產赤馬肉尾無鬃豈是龍駒

元祐三馬

宋元祐初禽鬼章青宜結百官皆賀時西域貢馬首高八尺龍顛而鳳膺虎脊而豹章出東華門入天駟監振鬣長鳴萬馬皆瘖父老從觀以爲未始見也蘇軾請於李公麟畫三駿馬之狀而使鬼章青宜結效之爲贊曰八尺龍神超遙若將西燕西瑤帝念民乃下招靈歸雲逝房妖

出格馬

紹興七年五月廣右進出格馬十四上留其二餘付殺

前司上曰馬之良者不必西北

名馬記上終

蟪衣生小記

名馬記下

冀北馬

天文志冀之北土馬牧之所蕃庶故天苑之象有馬

六駮○茲白

駮音博

爾雅翼曰六駮如馬白身黑尾一角鋸牙虎爪其音如鼓喜食虎豹蓋駮毛物旣可觀又似馬故馬之色相類者以駮名之子虛賦曰楚王乃駕馴駮之駟西京賦曰六駮駿甚吳都賦曰騫六駮駕乘也騫上馬之名也○一名茲白周書王會篇曰正北方義渠以茲白茲白者

若白馬鋸牙食虎豹卽此物也○古之名馬有曰六駮者曰騶虞者曰騰黃者曰飛兔者曰麒麟者六駮者必其白身黑尾如獸之六駮者也騶虞者必其白質黑文如獸之騶虞者也騰黃者必其縞身朱鬣如獸之騰黃者也飛兔者必其龐然而蒼者也麒麟者必其粹然而黃者也非馬之有六駮騶虞騰黃飛兔麒麟也乃馬之似六駮騶虞騰黃飛兔麒麟也

國馬○田馬

考工記曰國馬之軻深四尺有七寸田馬之軻深四尺鄭云國馬高八尺衡高八尺有七寸除馬之高則餘七

寸爲衡頸之間也。田馬高七尺，衡高七尺，有七寸餘。馬之高則餘七寸，爲衡頸之間也。

駿馬○天下之馬

相馬經曰：前視見目，旁視見腹，後視見足，駿馬也。毛束皮，皮束筋，筋束肉，肉束骨。五者兼備，天下之馬也。

國馬○天下馬

莊子曰：吾相直者中蠅，曲者中鈎，方者中矩，圓者中規。是國馬也。而未若天下馬也。天下馬者，若亡若失，若喪若一，若若是者，超軼絕塵，不知其所。

驊騮○騏驎○織離○綠耳

驊音華

荀子曰驊騮騏驎纖離綠耳古之良馬也

蒼龍○赤駟○白駟○鐵驪

禮曰春駕蒼龍夏駕赤駟秋駕白駟冬駕鐵驪○爾雅
翼曰駟赤馬黑鬣明堂月令五時駕馬而駟處其二春
蒼龍秋白駟冬鐵驪夏用赤駟中央用黃駟中央寓於
季夏故所用物同而以色之淺深爲之別也○爾雅曰
白馬黑鬣駟禮記曰夏后氏駟馬黑鬣廣雅曰白馬朱
鬣駟今呼黃馬尾一道通黑如界者爲駟蓋馬無分於
黃白皆謂之駟○說文曰馬深黑色驪馬赤黑色驥先
儒云取其馬色如鐵非特有取於色蓋亦取其堅壯如

鐵故曰鐵鐵音

南海駿

禮斗威儀曰君乘火而王者其政訟平則南海輸以駿馬

飛鴻○野○麋○娥鹿○騶吾○走狐○桃驂○金喙鑿

廣雅曰皆馬屬也

駮音戎

爾雅曰馬八尺爲駮駮卽戎馬故其字指事而戎事初力尚強故爾雅又曰絕有力駮也校人云種馬一物戎馬一物戎馬卽駮是也種馬卽龍是也史言良馬謂之

龍種蓋出於此

駉駉

爾雅曰枝蹄趺善陞馱駉駉亦是馬而牛蹄

惟弄○駉○首○駉○狗○啓○蹄○驤○鼻○驕○驤

○駉○駉○縣○惟駉

駉音怒驤音佳二字不同駉音憤驤音多駉音渠蹄音此驤音襄駉音飲驤音長駉音狼驤音曼駉音佳

爾雅膝上皆白惟弄四骹皆白驕駉膝下也四蹄皆白
首俗呼爲踏雪馬前足皆白駉後足皆白狗前右足白
啟左傳曰啟服也左白蹄前左脚白後右足白驤左白
鼻後左脚白也易曰震爲鼻足驪馬白跨驕驪黑色跨
解間白州驪州駉尾六白駉尾林白尾白駉俱尾毛白

白達素縣素鼻莖也俗所謂漫髓徹齒面頰皆白惟駝

驥○驥○

驥音吳驥音
皮詞望音習

黃白驥詩曰驥馭其馬駟馬黃脊驥驪馬黃脊驪皆背脊毛黃

駒○麟驪○

駒音拾駒音蘭
驪音頤驪音柔

青驪駒今之騏驎也詩曰駉彼乘駒青驪麟驪色有深淺斑駁隱糝今之連錢驄青驪繁鬣駉禮記曰周人黃馬繁鬣兩被毛或云美髦鬣

馮○馮○駟○驩○

馮音保馮音坏駟音
因駟音追駟音

爾雅驪白雜毛馮今之烏駟也詩曰乘乘馬乘乘黃乘

乘馮黃白雜毛駮今之桃華馬陰白雜毛駮陰淺黑今
之泥驄詩曰我馬惟駮蒼白雜毛騅詩曰有騅有駮形
白雜毛駮卽今之赭白馬形赤

駮

音登

白馬黑脣駮

矚○魚

一目白矚二目白魚似魚目也詩曰有驥有魚

雅歌齋雜集

續名馬記上

虞乘黃

纂文舜時地出乘黃之馬○韻府群玉云亦名驪黃

驪戎文馬○有熊九駟

史記帝紂囚西伯于羑里閔天之徒患乃求有莘氏美女驪之文馬有熊九駟他奇恠物獻紂紂大悅

蜚鴻○白蟻

史記周武王曰蜚鴻在野○蜚前上篇作飛○慎按蜚鴻若白蟻紫鷺之類紫鷺見前上篇九逸

宗馬

晉輿服志成王之會五方貢八十物有宗馬

汧渭馬

史綱紀要周孝王時有非子者好馬善養息之王命主馬汧渭之間馬大蕃息封附庸之君邑于秦

匹練

家語顏回望見吳門馬云是一匹練孔子曰馬也然馬之光景如練之長

角馬

游歷紀聞燕太子丹爲質于秦秦不禮乃求歸秦王曰

待烏頭白馬生角乃聽歸太子仰天哭俄而馬生角秦王大驚乃遣歸

鈞馬

漢平準書天子不能具鈞駟○鈞駟純色馬也

貳師大宛馬

漢書大宛國有善馬在貳師城匿不與漢武帝乃拜李廣利爲貳師將軍伐宛得善馬數十匹封廣利海西侯
馱經白馬

事物紀原漢明帝攝摩騰自西域以白馬馱經來初止鴻臚寺因創白馬寺始此

九真麟

文選註古南交之地漢武帝置九真郡出良馬名九真
麟靈帝時獻

鮑氏驄

漢書鮑宣與子永孫昱俱爲司隸皆乘驄馬歌曰鮑氏
驄三入司隸再入公

吐珠馬

晉五行志太和九年易定馬吐珠因以爲獻

巴滇馬

世說晉王敦作逆明帝騎巴滇馬齎一金鞭至湖陰察

軍形

駟黃○白額駒

晉史郭馨謂李嵩曰君終當有國家有駟黃馬生白額駒此其時也後白額駒生嵩霸有秦涼都酒泉謚武昭上駢

北齊慕容恃德謂子曰盧潛教我爲人我死持上駢馬與之其子以他馬往恃德柩出門自停不可動聞恃德怒曰何不與盧尚書駢馬其子遽如命柩乃行

白駢

齊書劉懷珍帝以白駢馬啗人不可騎送之懷珍報絹

百匹或曰多懷琬曰吾方欲以身托之豈計多少

赤龍駒

梁書武帝天監四年禊飲華光殿河南國獻赤龍駒能拜伏善舞詔張率劉漑周興嗣各爲賦帝以率及興嗣爲工

黃驄

韻府群玉裴果字戎昭征討每乘黃驄馬陷陣號黃驄年少

昭陵六駿

一統志醴泉縣有昭陵六駿像刻石曰青驄曰什伐赤

曰特勒驃曰颯露紫曰拳毛騮曰白踧烏餘見箭上篇
流雲騮

唐書貞觀中良馬有流雲騮奔虹赤○奔虹赤見十驥
九花虯○師子驄

唐書太宗以郭子儀收復偃師功賜九花虯馬○又名
師子驄 鶴林玉露唐太宗有駿馬曰師子驄極猛悍
太宗親控馭之不能馴

照夜白○玉花驄

明皇雜錄照夜白玉花驄並玄宗所乘良馬嘗命曹將
軍霸畫以爲圖杜甫畫馬圖引曾觀先帝照夜白龍池

十日飛霹靂又丹青引先帝天馬五花驄畫工如山貌
不同

滇池馬

唐書肅宗元和中蜀郡王進爲益州太守政化尤異有
異龍神馬出滇池中

神智駿如意驄

杜陽編神智駿如意驄唐德宗二馬名

蕃馬

廣列仙傳唐許栖岩欲市一蕃馬筮得飛龍在天乃市
之騎入蜀遇太乙元君指曰此馬乃吾洞之龍終當化

龍去後栖岩買田婆針繫馬鬣至渭馬果化龍水中

行兩青驄

玄恠錄李靖微時射獵山中會暮抵宿一朱門夜半聞扣門甚急見一婦人曰此龍宮也今天符命行兩二子皆不在欲奉煩遂命黃頭被青驄馬併一小瓶戒曰馬躩地嘶鳴卽取瓶中水一滴馬駿上旣而靖連三十餘滴平地水三丈

妍蹄○繁鬣○小領○遠志○龍驄○戎驥

唐張說監牧碑別其種類有妍蹄繁鬣小領遠志龍驄戎驥

三花○五花

唐六典云外牧歲進良馬印以三花飛鳳之字○白樂
天詩馬鬣剪三花○又有五花馬杜甫詩蕭蕭千里馬
箇箇五花文

樂天駱馬

東坡詩註樂天老病乃錄家事去長物妓樊素與駱馬
籍在長物中圉人牽馬反顧一鳴素聞慄然婉戀有辭
辭畢泣下

豐步

唐書朱敬則為廬州刺史代還無淮南一物止所乘馬

名豐步從而歸

健馬

杜牧傳山東產健馬下者日馳二百里所以兵常當天
下

津梁種

唐李萬江於潞州牧津梁寺地美水草馬食而健世號
津梁種

紫叱撥

異聞錄唐開成初酒徒鮑生行歷陽遇外弟韋生同憩
水閣鮑曰得良馬乎韋曰春初獲數匹鮑欲馬之心頗

切密令四絃盛裝奉酒遂獻韋生韋以紫叱撥酬之忽
有紫冠者二人自閣西來導從甚衆兩生疑大僚乃避
之二人賦以妾換馬折蕉葉書之畢行十餘步而失
纂異記詩坐看飛鴻使駿馬換傾城

骨利罕馬○流金駟

回鶻傳骨利罕處海北近日出處地產良馬似橐駝筋
骼壯大日馳數百里○韻府羣玉流金駟回鶻駿馬名

胡青驄

唐會要吐谷渾青海中有驄駒名青海驄日行千里又
名胡青驄

大驪

五代史後漢世祖以所乘大驪賜李忠

黃騮

東漢世家劉旻與周世宗戰于高平敗乘黃騮得馳歸以金銀飾厩食三品料號之自在將軍

鐵獺

韻府羣玉鐵獺梅聖俞馬名○陸放翁詩委轡看山無鐵獺拾樵前茗有青獺

八叱撥

丹鉛錄宋羣牧判玉明上羣牧故事叱撥之別有八曰

紅耳叱撥曰鴛鴦叱撥曰桃花叱撥曰丁香叱撥曰青
叱撥曰騮叱撥曰榆叱撥曰紫騮叱撥

肉駿

蘇東坡集秦州進一馬項下重胡倒毛生肉端此肉駿
也○唐杜工部詩肉駿礮礮連錢動○註先代亦有之
皆稱奇品

御馬

咸賓集宋興國九年高麗貢御馬

海嶼馬

一統志宋天聖中向純嘗提點福泉興化養放海嶼馬

玉鼻騂

宋蘇軾詩天厩新頒玉鼻騂

神馬名也詩曰天厩

赭白馬

存心錄金太祖攻遼駐兵混同江欲渡無舟太祖使人前引乘赭白馬徑渡水及馬腹而已及既渡令人測渡處水深不得其底此天助也

飛越峰

一統志貴州養龍坑靈物藏其下當春初夷人立柳坑畔擇牝馬之良者繫之已而雲霧晦冥類有物蜿蜒與馬接其產必龍駒國朝洪武辛亥夏明昇來降獻良

馬十其一白者乃得之于此首高九尺長丈餘不可控御詔典牧者囊沙四百斤壓行苑中久漸馴習後行夕月之禮于清涼山乘之如躡雲一塵不驚賜名飛越峰且命繪形藏焉學士宋濂爲贊

雅歌齋雜集

續名馬記下

華聊

地里志華聊綠耳之乘。○註皆良馬名。綠耳見前下篇。
駢馬

山海經施水東流注于印澤其中多駢馬牛尾而白身
一角

黃華二馬

寰宇記有獵者于黃華山見二鹿一異人問云見二馬
否吾爲虞帝五至衡山與安上道士相聞是吾馬也

淵池龍馬

遼甲開山圖云隴西神馬山有淵池生龍馬

權奇

藝文類聚漢樂府偏愛權奇○註權奇良馬也○坡詩
作駒已權奇

荏鐵

馬經曰驄馬之別七曰荏鐵

小步

漢西域傳西域出小步馬孟康曰種小能步也師古曰
小細也細步言其能蹠足卽今所謂百步千跡者也豈

謂其小種乎

蜀龍馬

一統志峨眉山西有池昔一馬馳走如飛村民攫捕傷其足投之池中一夕雷雨大作擘山而去○昔季童甫牧馬蓬溪山下產一駒毛骨異常人識為龍馬○馬湖江源出沉黎相傳龍馬潛湖內因以為名○蜀人鄭氏牧馬溪上馬產龍駒四蹄利爪朱駿頰尾高可七尺將以為貢至溪口振鬣長鳴躍水去

雙脊馬

一統志瀧水縣出駿馬有兩脊骨號雙脊馬健而能行

朝鮮果下馬

一統志朝鮮國產名馬曰果下高三尺果下可乘

西馬

一統志昆明世出西馬○又祖法兒國產西馬

西域駿馬○好馬

一統志西洋古里國產名馬○註國名駿馬來自西域
○星槎勝覽古里國好馬自西蕃來匹價金錢千百

神驥

滇載記段氏思平有異兆得神驥于葉鏡湖後主詔國

天馬

王褒頌駕嚙膝駮乘旦。○馬之良者能自嚙及其膝。

飛鷺○含陽驃

謝靈運詩飛鷺躍廣途。○註飛鷺良馬名。○又張協七命駕紅陽之飛鷺。或曰駿馬圖有含陽侯驃疑含卽紅聲之誤也。

巨象○逸駿

陸機辯亡論巨象逸駿擾于外閑

桃駮

卻昂八馬坊碑頌其中一爲桃駮餘見前

檣里天馬

琴操曰走馬引樗里牧恭作也恭爲父報仇亡匿山林之下夜有馬圍其室詰旦視之天馬跡也悟曰吾以義殺人何以匿爲遂作走馬引

驪駢

馬頌房駟之精降爲驪駢絡黃金之羈浴天池之波鼓鬣雲衢弄影星河飲以玉池秣以瑤草

忽雷駮○玉逍遙○金叱撥

傳奇記好馬名忽雷駮玉逍遙金叱撥

續名馬記終

跋名馬記

唐天子東封以牧馬數萬別色爲羣夸之
如雲錦夫唐馬故多良未必盡鳳臆龍鬣
連錢夾鏡也者卽盡如鳳臆龍鬣連錢夾
鏡亦厖厖一時駿爾奈何雲錦夸之是未
睹名馬之全也秦和郭公海內博洽名儒
著述甚富所集名馬記二編上下數千禩

卷之五

一切龍駒天駟飛騰於豪楮間如睹金谷
萬花應接不暇藉令唐人目此當什百雲
錦之矣公往品士於蜀猶伯樂之過冀也
神鑑萬不失一蜀無留良行且入秉國鈞
天下士被一顧而增價何啻於蜀不佞直
駑駘耳幸公不棄誤加鞭策因請錢是編
且爲續增八十二條錢成祇命僭跋於後

得附不朽勛也。有厚幸矣。胡敢謝不敏。枯
蒼李承勛錫庸甫撰